

Il mas-chalch da Se

Publicaziuns officialas. Cumpara seguond bsögn.
2003/2005
no. 4

7554 Sent, 20 marz 2003 /pw

Giarsunadi da bos-cherA

Il Cumün da Sent spordscha l'ocasiun da far il

giarsunadi da bos-cherA

a partir dals **1. lügl 2003** o tenor cunvegna.

Annunzcha: InteressentAs s'annunzchan in scrit, culs attestats necessaris fin il plü tard als **12 avrigl 2003**, buol posta A, a l'administraziun cumünala da Sent, 7554 Sent

Chavazzin sülla busta: „GiarsunA“

Infuormaziuns: Administraziun forestala Sent, tel. 081/861 20 61 opür 079/413 05 66

Il Cussagl cumünal

Correctura plan da lavur, corp da pumpiers 2003

La prüma prova dal corp da pumpiers ha lö, in **venderdi, 25 avrigl 2003**, e na sco avisà i'l ultim Mas-chalch, gövgia 24 avrigl 2003.

Chancellaria cumünala

Müdados importantas passaport 1985 / 2003

Sülla decisiun dal Cussagl federal po il **passaport vegl 85 a partir da subit gnir prolungà** fin max. 31 december 2005. Per far quista prolungaziun sto il passaport vegl gnir tramiss direct a: **L'Uffizi da pulizia, Karlihof 4, 7000 Cuaira**. Na invlidar da dar cuntschaint l'**adressa da consegna**. (Zustelladresse).

Sch'ün uffant es fingià registrà aint il passaport dals genituors, esa admiss da laschar tachar aint eir la fotografia (a partir da 6 ons). Per far quista procedura, esa da passar pro la controlla d'abitants.

Registrar ils uffants pür uossa aint il passaport nun es admiss.

Sco chi's ha pudü leger illa pressa, nu pon ils respunsabels displaschaivelmaing pel mumaint tgnair aint ils termins per prodüer ils passaports novs! Pel mumaint esa cuntschaint cha la furniziun dals passaports düra fin 8 eivnas.

Nus rendain attent a tuot la populaziun da passar pro la controlla d'abitants **pro temp**, in cas ch'inchün ha dabsögn d'ün passaport nov!

La furniziun da las cartas d'identità düra ca. 10 – 15 dis!

Atenziun: - **La qualità da la fotografia sto esser fich buna!**

Dumonda pel certificat dad imprendder ad ir cul auto o per müdar intuorn il permiss existent

A partir dals 1. avrigl 2003 vain in vigur il nov certificat dad ir cul auto in format d'üna carta da credit. Il permiss existent **nu sto** gnir müdà intuorn, però id es pussibel da til müdar. Ils formulars a's poja retrar pro la chancellaria cumünala. **Il possessur** implischa oura il formular e til trametta a l'Uffizi da trafic a Samedan.

./2
-2-

Ils formulars per dumandar ün permiss dad imprendder ad ir cul auto a's poja eir retrar pro la chancellaria cumünala. Il formular **impli oura** vain tramiss, insembel cun üna **fotografia**, da la **chancellaria cumünala** a l'Uffizi da trafic a Samedan.

Controlla d'abitants

Palperi vegl

In **mardi, als 25 marz 2003** a partir da las 08.00 ramassaina palperi vegl.

Atenziun! Tenor las directivas da la Pro Engiadina Bassa pudaina ramassar be plü palperi lià **in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).**

La scoula

Deponia La Fuorcha – avertüra ufficiala

A partir da quista publicaziun es la deponia La Fuorcha darcheu averta. La clav da la deponia La Fuorcha as po retrar d'ürant las uras da fanestrigl i'l büro cumünal.

1. Tenor las directivas da la PEB chi's basan sül art. 26 da la ledscha chantunala per l'allontanamaint d'arüd (AbG), esa admiss da depositar sülla **deponia cumünala** be **material net da s-chav, roba da üert e frus-chaglia** cunter üna taxa da fr. 7.-- per m³.
2. **Tuots oters materials** sun da depositar sülla **deponia regionala Sot Ruinas a Scuol**.
3. I das-cha gnir deponà be material dal territori dal cumün da Sent.
4. Il quantum e che material chi vain manà sülla deponia es d'indichar in büro cumünal.
5. **Privats** pon depositar **gratuitamaing** fin **5m³** material net da s-chav o roba da üert e frus-chaglia, **l'on**.
6. Pro'l deposit da gronds quantums da material da s-chav esa da contactar **ouravant** cul respunsabel, Johann Tschalär.

Il Cussagl cumünal

Ultim termin- marcas da chans 2003

Chi chi nu n'ha amo tut in consegn la marca dal chan 2003, dess far il bain e passar in büro cumünal d'ürant las uras da büro, fin il plü tard als **31 marz 2003**.

Pulizia cumünala